

四庫全書

集部

欽定四庫全書

集部

日涉園集卷二

詳校官庶吉士臣陳若霖

侍讀臣孫球覆勘

謄錄監生臣范維城

欽定四庫全書

集部三

提要

日涉園集十卷

別集類二 宋

臣等謹案日涉園集十卷宋李彭撰彭字商老南康軍建昌人陳振孫書錄解題以為公擇之從孫王明清揮塵錄謂李定仲求以不得預蘇舜欽賽神會興大獄彭即其孫也二說未知孰是宋史不為立傳其行履已不可

考趙彥衛雲麓漫鈔載呂居仁江西詩派圖  
錄自黃庭堅以下二十五人彭名在第十五  
居韓駒之亞則彭本文章之士故事迹不見  
於史也其集書錄解題作十卷世久無傳今  
檢永樂大典所載彭詩頗多鈔撮編次共得  
七百二十餘首諸體咸備謹校定訛謬仍釐  
為十卷以還其舊集中所與酬倡者如蘇軾  
張耒劉義仲等皆一代勝流故其詩具有軌

度無南宋人粗獷之態呂居仁稱其詩文富  
贍宏博非後生容易可到劉克莊後村詩話  
亦稱其博覽強記而獨惜其詩體拘狹少變  
化今觀所作克莊所論為近之然邊幅未宏  
而捶鍊精研時多警策頗見磨淬之功在江  
西派中與謝逸洪朋諸人足相頡頏終非江  
湖末近所能及也乾隆四十六年九月恭校  
上

總纂官

臣

紀昀

臣

陸錫熊

臣

孫士毅

臣

費墀

總校官

臣

陸

費

墀

欽定四庫全書

日涉園集卷一

宋 李彭 撰

五言古詩

次正平上座韻贈子充

吾宗太宛種未入十二閑  
膺門沫流赭氣已無燕山何  
時黃金羈鞍轡長楸閒皎皎自空谷待君當御還

戲贈兼簡李翹叟

荊州有醉客踏雪至我廬  
缺月寒皎皎掛在東南隅  
索

我五字句慙非競病徒賣菜欲求益故態發狂奴寄聲  
李夫人聊為一笑娛

贈子充

阿充克家才昭代真孝秀白髮在板輿色養侍昏晝來  
營甘脆具底事成宿留到骨似我窮黃鐘滿君脰落帆  
哉生魄步屨月成殼幽園語更僕莫遣雙眉皺覓句洗  
愁兵河傾轉箕斗

贈無著



蕭蕭玉潤翁韻調實瓌朗懷人修文去音塵生逸想豈  
唯招重客我廬亦時枉徽軫發妙言幽園復清曠飄忽  
下巖隈歲月駛兩漿寒蟬久停號新禽哢佳響去者念  
履綦方來驚蕙帳伊予厭囂塵絕壑期自放從君割半  
峰披雲同矯掌

送人遊吳

朔風號木末迫此歲時晏驅車不傳軌客子老昏官平  
生將詡徑求羊每娛玩持觴送落日抵掌河宿爛胡為

向吳會雅意訪親串親者誰歟昂昂金閨彥嚙枯由  
涵照要津藉推挽念子赴修塗發軔在昧旦娟娟所嬌  
兒疑疑赴門限閨人密縫裳遐征苦多綻結束志千里  
二事忘一眊莫遣廢房歌愆期發長嘆

宿歸宗贈軾老

平生丘壑心祇園多幽趣杖藜過懸崖投足澄百慮涓  
涓一滴泉湛湛三危露淵源自曹溪甘腴勝牛乳諸峰  
羅孫曾一一尊鼻祖法筵碧眼人家世本鄴杜紫樞與

黃閣去天纔尺五不為世網嬰  
粲可叶心素繩牀作禪  
定大音響韶濩應夢先補陀  
祝髮得玉斧我來心眼明  
意氣諧律呂金地雨曼殊天  
香遶巾屨明當整歸鞍天  
末蜚鴻度

奉贈正平上座

若人韻凝遠天資復敦龐  
蕭然出塵表幽寺聽逢逢  
劍峰極天淨懸瀑聲春撞  
心猿久調御業白瑩明缸  
殘河橫曉鉢霖霧起寒窓  
禪餘覓佳句鼎鼎筆能扛  
我來孟

冬月望履塵心降世紛  
劇羊負是身如帝江願借三峽水  
一滋隴頭瀧永辨桑門服猶堪追老龐

和連雨獨飲

力田勝巧宦燕息自超然  
懶觀竹素書俯仰丘壑間  
時過祇園亦復舞胎仙  
偶然得歡趣舉觴望青天  
六鑿自無競歟見象帝先  
羲皇隔晨炊坐見淳風還  
磨螳不少留鼎鼎遂百年  
但得會心侶相對兩忘言

次秦處度贈歸宗老示中上座韻

夕霏催節往，槁葉徑辭風。力疾招秦叔，望山扶老筇。泄  
雲為鄉靄，牽余來鷲峰。中有龐眉老，常持半聖弓。一席  
跨牛地，誅茅期此同。虛懷包朗月，意表得詩翁。遠志是  
小草，慎在出處中。公莫厭苦相，歲晏長相從。

嗣首座以老夫詩西嶺障斜日為韻作五章見  
寄次韻荅之

尋春舍南北，呼酒玉東西。絕勝劉校尉，太乙持青藜。天  
邊藝蘭人，風光今幾畦。胡為寂滅海，妙語紆虹霓。

清霜熟柿栗會面一俄頃  
巖峯漸紫苞鳥語度諸巔  
仰頭占昏中弧星光炳炳  
何當聽談玄令我發深省

我家二李子風標荀令上  
優孟何足求慎勿作楚相  
毛顏獨摧顏兒能縛籬障  
摩挲繭栗姿我老那復壯

爭端起儒墨春蚓兼秋蛇  
筆研真淺事專門自名家  
但有香積飯不妨薰毗耶  
溫風媚高柳招客整還斜

歐峯壓半天堦除轉晴日落  
磴多雪芽香草皆碧必嗣  
公釋門老眈眈虎而翼我  
欲往叩之藤蘿迷石室

再和嗣首座五詩寄舒老微老

在昔董仲舒屈身相膠西窮經著繁露窺園廢扶藜而  
我異於是清晨來灌畦雨餘聊自適微吟看斷蛺  
黃生牛醫兒襟量包萬頃稱譏等夢事緩帶目不領公  
議如丹青千載煥且炳古人何必遠薄躬吾屢省

堂堂一舒翁道價融壑上煙霞斷塵緣那復知苦相會  
將超諸緣奪我事理障莫言霜滿頤矍鑠一何壯

嗣公丹鳳羽高笑破羣蛙汲引後來秀義俠如朱家出

語掩顏謝遊戲達摩耶卧讀春風句飛鴻澹墨斜  
牧菴擔板翁銳氣如平日明壁不可瑕崇蘭有餘蕊何  
嘗疲津梁苦鍛垂天翼索價無乃高孤峰問少室

送杲上人復往荆南

荊州老居士曾著進賢冠似欲專一壑其誰知孔鸞蒼  
苔門巷秋不許造席客世無王粲流倒屣端不惜上人  
宣城彥俊氣橫九州學道貧徹骨與世初無求馬駒大  
道場屬者失宗匠欲銘宰堵波見此真漢相行乞千里



餘朔風枯葉顛曉踏澗下雪暝宿天邊烟赤手泛滄溟  
笑此太草草不為丞相嗔乃得照乘寶歸來寂無聞翠  
琰開險艱精衛既填海愚公果移山力貧辦行李復作  
南郡去游子多苦顏開士淡無慮霜風木颼颼便當賦  
式微日涉望烟靄扶筇遲來歸

奉贈歸宗才首座

五着匡山屐三息紫霄陰龔聞耶舍塔勢吞天姥岑俯  
窺雕鶚背上聆鐘梵音未航蕭梁葦峻風先少林靈骨

化大璐鉅名偕南金松門欲牽葉苦雨每見臨才公三  
衢秀古貌又古心老胡即渠是宴坐藏幽深何用登紫  
霄自足披煩襟我過避秦客茗椀來相尋真成虎溪笑  
稍寬梁甫吟衲子歎雌伏道師非陸沉世多石窟病須  
下鼓山針

送寧上人歸淨慈

之子遠行邁眷言歟松門雲物起離色况乃聞清猿頗  
云吳會去飽參南山禪南山燕頤郎氣敵千人軍要當

理斷履過我藝蘭蓀

寄珍首座

詩寧淺而靜不貴深而蕪觀公秋懷作峻潔仍紆餘譬  
之列華饌陸海盈中廚食蟹貴抱黃食魚先腹腴多入  
出或少我昔聞先儒年來病蹇拙意廣材復疎之子禪  
定起焚香滿晴虛坐看氤氲處絲絲詩思俱應作牛腰  
束能寄草堂無

題胡九齡畫夏景牛

陰岑不造天憇此老敝觥輟耕壟上來投閑慰心曲養  
牲奉巖裡蓋用繭栗犢莫起陸沈悲焉知果非福

送敦詩遊臨川

呂郎客秦淮詩思翻秋濤徐郎憇瀟峰句壓天柱高相  
此兩公子信是千人豪叔也往從之似欲訴不遭探囊  
得長句如取綏山桃療飢非蒸砂禦寒必綈袍一簪未  
著身所得不補勞復為飢所驅未許學卧陶窮軍敵孤  
客如在皋蘭塵幾成劉文叔須髮變二毛揜筇躡草鞋

進退似桔槔引領長江西沙頭喚魚舫金溪有謝侯  
多略與韜天資類文靖貌實中郎曹叔也往從之攻愁  
解鞵橐毋輕歌驪駒不復吟畔牢待公相載歸為我攜  
蒲萄來賞傲霜菊一尊澆老饕

和李敵戲書

短草被南陌晴絲颺幽軒心靜境云寂默居宣妙言林  
深鳥鳥樂花繁蜂蝶喧是中即真意何須祇樹園

元夕高卧

伊昔宅闕輔門閭萃冠蓋停杯邀明月意氣殊藹藹春  
風墮江城蒐獮顏鬢改糞除二畝地羊裘力薪採矯首  
望舒圓何由賞心在烟村雜簫鼓叢祠響竿籟誰能伴  
兒嬉頗復償睡債初驚釜鳴雷遽作濤擣海非關骨相  
屯長閑荷真宰吾生計已決無勞問耆蔡

宿西林寺有先特進及先學士詩

渡江送行人我行亦清興草木春路賒斜斜復整整獨  
造此寶坊深穩庭宇靜複閣襯烟霞疎林泄鐘磬殘僧

澁對人短童工汲井杖屨若能神迴知茲遊勝楹間盤  
硬語恠底光炯炯追還曾高風熱復發深省來歸十陽  
秋足不踐斯境猿鶴情未忘拾松來煮茗

何生用韻見寄復荅之兼示小何

繞屋陰扶疎空堦蘚文皺懷人殊未來安得傾蓋舊好  
鳥政相呼吟蛩俄應候夜夢嵇阮輩醉鄉須少留莫踏  
肥馬塵我自貧馬瘦

水部有耳孫湖海曾中浩小陸復何人相逢歲亦早並

游蘇黃門我曹不容掃梧桐生朝陽要須聞鳴鳥雲中  
遣馮唐據鞍未渠老

次韻荅禹功兼簡周國振時禹功一夕泛舟歸  
郡不及話離

攀蘿委松宿漱石看雲行松疎暝色漫雲度夕陰生若  
人有高躅領畧遺世情聊為公府步冉冉復盈盈  
蒼苔映槿墉商飈薄庭樹方期著屐來遽作張帆去擇  
交如擇金披沙歛相遇慈明畏無雙偉節慙最怒



公抱青田姿俛啄家鷄羣徽之拄頰外遐矚西山雲昔

我藻鑒士

泗外老仙  
宜州柱史

拱木蔽孤墳詎意王子敬晚乃知

羊欣

相望兩牛鳴頓覺千里別未別如懷冰別來三伏熱賴  
有清輝吟當窓時玩閱音塵在我前悠然情話悅

颺颺顧曲郎恬愉仍靜深相逢何必早但貴相知心臨  
博斯識道間韶真賞音端須理三徑歲華多浸淫

王生以詩見貽次韻荅之生視春中環中實仲

父

卷一

渠渠太史門諸郎蓋當世大匠無棄材知人亦未易阿  
戎兩雲孫駸駸遣人畏難兄江南秀美比嘗託意歛為  
修文郎不作活國士令弟老數奇禪寂甘窮賴時於翰  
墨場往往見高致揚州故時語奕奕好風氣獨識史君  
顏周禮秉早歲背城幾借一問學晚尤粹相逢且班荆  
十事欲九異何須張女彈端為建康醉請拋高門竿莫  
反魯麟袂花藥聘君湖暄風攬春思人生行樂耳餘事

栩栩寐崇蘭有國香寧以不服廢雖無雙南金可報綠  
綺惠此豈小物哉吾言未渠棄

杜欽之次淵明荅龐參軍韻見送用韻荅之

征南遠韻度詣絕皆妙言銀臺陳諫疏恥作賦免園手  
板聊拄頰爽氣來新篇臨窓無謝守僧珍自超然我遊  
赤壁下為君且延緣周禮盡在魯驚嗟類韓宣候雁響  
橫河遊子念故山行當理烟艇相期醉餘年

送潤上人歸宛陵

我昔遊宣城稚節等雛鳳稍知風物奇未解入嘲弄歟  
爾鬢負霜歲月雜機綜唯有謝公亭頗復到清夢上人  
宛陵秀禪餘喜吟諷胷中淡無畦妙覺自能種偶隨歐  
峰雲悠然入茅棟談間無俗調不應亭午供誰云佳少  
年意氣極莊重別我歸故山索我贈言送鄰邦古法窟  
老衲妙擒縱伽黎宴湖海名字走梁宋吾其從之遊射  
隼期必中勿學漢陰人終年徒抱甕

蒲塘道中寄懷歸宗迥中法闡法仁三僧

牕鷄喚晨炊，轂聲轉水轍。出遨得會稽，辨嚴未明發。朔  
氣犯襟裾，露華襲毛髮。仿佛滹沱河，幽事期可悅。旅雁  
起寒塘，疎林耿明月。挽彼歲寒姿，然其共明滅。豈惟甦  
奚奴，政可烘履襪。黎明詣蕭寺，餉糜隨盥櫛。風廊譚  
僧蒲，團尋老衲堂。堂大圜照此，渠親記剝緬。懷湯惠休  
妙理，頗詣絕超然。宴法窟，曾次包禹穴。闡師遠遊孫，卓  
卓霜下傑。真成一角麟，笑我緣盜鼈。寂子延陵秀，暉映  
敵冰雪。渥洼真龍媒，作駒已汗血。刮膜藉金篦，嘉言霏

玉屑德星每難聚  
顧免復易缺  
紫霄上嶺  
屹石鏡懸瑩  
澈幽期不嫌頻  
難遣芳歲歇

次韻謝朓觀朝雨

涼飈起屋角  
微雲天際來  
撼撼荷上雨  
冉冉自陽臺  
軒牕積餘潤  
竹樹絕纖埃  
懶放事幽屏  
柴扉為誰開  
肥遯病使然  
黃門豈負哉  
可憐南巷翁  
攜魚柳貫腮  
餉我共杯盞  
眷馬久徘徊  
憑虛耳熱後  
褰裳望蓬萊

奉同伯固駒甫師川聖功養直及阿虎尋春因

賦問柳尋花到野亭分得野字

曜靈運行春蘅若被原野客子具歸驂暄風挽羸馬屬  
國賢耳孫當代豪長者勝游參羊何重客或屈賈木末  
仲宣樓華榱大蘭若徐步幽屢尋銷憂日聊假手無垂  
露資發興為君寫晚過岱宗吏寥濶存大雅犧樽追三  
代琴筑觀九夏粲粲懸牙籤照眼不容捨歸酌顧建康  
我實陪樽下雄豪先競病遲遯喑啞匪惟稱行樂性  
靈賴陶冶他時儻重來更結離騷社

里儒程君窮居教弟子員喜雨作詩見貽次韻

謝之

柴門臨江皋炎蒸頗云極金稚無壯心火老有驕色慈  
雲辦甘雨電掃不容隙勞生天邊月躔次飽更歷緬懷  
程夫子熱客難造席涵濡被童蒙肥瘠各有適瓌材構  
露寒揮斤由匠石不邀里閭敬人自觀至德鄙夫極荒  
蕪何能臻壺域弱齡再鼓衰橐弓避勅敵蕭然專一丘  
非關與塵隔董生悲不遇而我異休戚高林收晚靄歸



鳥俱斂翼詩成獨微吟長懷矯雲翮

遊同安寺

雨歇漲江急野興聊胥疏漾舟拂林表擊汰驚飛鳧雲  
端僧坐夏遂造林公廬貌坐演妙理法筵滄海珠舌本  
落雄辯奔放懸江湖巽公廔宇淨爐煙堂晏如略無客  
造請香黑耽毗盧吾家大長者惠光充太虛著論後天  
女寶笈負於菟開圖拜遺像悲嘆隨卷舒歸來掩關卧  
念冷無羸餘譬如能橐鞬境界自于予

和苦雨韻

春歸已獼祭微綵先道周衡門少燈火征夫竭乾餒雨  
工挽九河洊作南國憂君詩形苦詞高義薄中州歌聲  
滿天地宰物能聞不凡今世賢知耄及誰不偷唯我與  
之子炯炯定寡求安得習習風凍枿新萌抽遙山滌餘  
靄歸雲下巖幽紫鳳會騫翥百鳥勞喧啾蒼生得稅駕  
王度日清休醉眼眩章句煩君為校讎

遊簡寂觀

仲夏暑方壯游子中柴車崖斷眇空曠遂造羣仙居濶  
步烟靄外追涼晚風餘泉聲遠逾響猿掛時相呼仙人  
翔寥廓曾不念故廬蒼珉禮斗處往往聞笙竽我復恣  
雲卧悠然隘寰區妄念鼓不作長歎聊虛徐

奉酬蕭子植

太丘廊廟具活國方暢謀虎豹阨九關全軀荷靈修元  
方開美度奮舌同尊周悠悠釋嶠雲亭亭留海陬別時  
閨中女娟娟未知愁小襦繡爛漫擷草鬬新柔甲子歟

流電窈窕今好述擇對得妙士邁往氣橫秋既逾絕塵  
到復軼黃中劉屬者過我廬並坐崖谷幽高標極迴映  
出語如冥搜想當飽四庫那肯事五樓回首問童稚頗  
有此客不分攜月屢殷好音俄見投蠻牋落大句豪潤  
仍清道顧茲坦腹郎信矣百不憂側聞秦雲門總章定  
詔諏翁當乘安車姓名覆金甌冰清遂賜環德星聚中  
州陋巷寡輪鞅寒烟滿林丘滌耳聽老語餘生復何求  
哦詩聊送似長懷付溟鷗

奉酬湖陰韋深道

淮南廢沐浴望漢三十秋丞相發蒙耳衛青奴虜傳終  
藉汲長孺毅然寢陰謀正人國之紀進退繫戚休鶚立  
聳朝著深藏耀巖幽湖陰有真隱趣尚協滄洲奇胷飽  
風霜大筆森戈矛急賢甚漁獵網羅英雋收終南與少  
室朝暮拔其尤胡為卧江津尚阻瞻冕旒顧令繭栗犢  
升裡薦園丘開軒榜獨樂高躅追前修志士遺草澤餘  
波及湯流益使山林尊豪奪不可求但恐赴隴書未能

逃大蒐嗟余牛馬走鬢斑年亦邁烟霞入種藝松桂助  
颺颺書來挾妙句眷言頗綢繆乃知氣先感臭味還相  
侔詩成月生嶺迴溪上明樓

奉酬石元涇

往時萬石君諸郎皆孝秀身自浣廁膾已足垂不朽君  
侯驅卉木去病如滌垢以茲壽白髮不落西京後新章  
來全楚爽氣起懷袖覓句代寒溫慙非報瓊玖

奉酬程子尚

彼美洛陽人貽我栢梁句艷雪敵清妍春雲多態度憶  
昔郎官湖秋風落烟樹使君出程門蕭蕭髮垂素平時  
仲尼履尚可藏武庫不見揚子雲欣與侯芭遇况茲得  
小阮風流肖諸父曠懷滄洲期協我塵外趣尚無金玉  
音歸鴻來枉渚

慶上人以再聞誦新作突過黃初詩為韻作十  
詩見寄次韻酬之

鄱陽山水國東南一都會朗玉得斯人駸駸越流輩島

可不足吞支許欲追配新詩如絃簧窈眇歌一再

壁公釋門老室有芝蘭薰昔為一逢掖直諒頗多聞枯  
禪百無染靜擁裏漢雲不隨兒女曹拏旗樹功勲

蟬噪嗟齊梁鳳鳴推沈宋諸人勤著脚何嘗窺妙用獨  
有杜叅謀變態無與共絕唱冠古今孤高追惜誦

嘉平送餘運丘園先欲春東風堂堂來不畏北風嗔緬  
想萱芽動高標厭常珍川岑互映徹草木俱鮮新

吾友韓子蒼霧豹悶關鑰一朝出陰崖蓬山真著作絕



倫共推讓痛掃淨瑕膜行矣貳紫微居然賦紅藥

材名參上流徒薪知曲突趣嚮期真源悟悅須法窟楚  
謠與漢風要自非凡骨幻藥不可當靈根貴英發

我生如舲舳罅漏頓補過涉世任風帆唱予聊復和髮  
短巾屢欹食艱齒仍墮自嗟叔夜懶又疑武侯卧

田園本地著耕耘不忘初修桑復浴種力作共征輸榮  
名愧八俊典學欣三餘安敢望輓汲雲林當晏如

子居招隱巖妙解招隱詩濟勝良有具幽討捷若馳秀

峙王郎子斲句時相依異世得岳湛連壁真妍姿

札札寒女機織素工流黃何如風塵外翠袖倚修篁幽  
居渺天末肯傍霍衛牆饕人解鼃處誰能染指嘗

九日奉呈元亮兄

窮秋風落山歲事幾轉軸蕭然四壁空觸眼困羈束我  
塵已生甑兄亦未有屋少也不如人自視真陸陸北阮  
烏賀蘭絕影追風足誰知薦園丘乃用繭栗犢棄置勿  
復陳萬事蕉夢鹿渺渺天界高宮黃著畦菊能來慰艱

勤濁醪巾可漉雖無熊耳杯要自尊中涓屬厭謝珍羞  
無禍可當福回觀夸奪兒往往加煩促

用前韻

離索未相逢情親在詩軸歸來兩丹楓詩作牛腰束妙  
語挾風霜勁氣穿我屋眼中識慈明尊下慙小陸念昔  
少年時洞庭思濯足援琴寫將歸臨河歎鳴犢正爾巢  
一枝何勞排五鹿江闊洲渚寒微風泛時菊劇談斗低  
昂露草復淋瀝誰家酒杯寬滿引甕頭渌何知程衛尉

未暇顧藉福鼓施牽牛河頓覺滄溟促

農家三首

力田徇所務蓐食赴其勞譬之賈欲贏疇能惡喧囂逢  
年未前期敢緩艾與薶黔雷無偏頗多稼埋牛尻倉廩  
自茲實含飴弄兒曹

自我曾高時以有此土田一朝均租賦吏文沸相煎南  
鄰勢炙手北鄰富薰天歡聚烏合衆變詐揮金錢本心  
抑兼并瘠土賦委填如聞下溫詔膏澤為洗滌但願多

樂歲鼓腹常便便

牛羊腠以肥鴨鷄大且碩里正少經過誰能事烹擊年  
豐大作社婦姑得紡績吾生本完膚箴砭困無疾十年  
遭追胥翻倒徒四壁從今得安眠絡緯鳴唧唧

聞官軍已破賊巢

海內政不苛民望罷危苦劇賊藏禍心全吳俄獻聚偕  
號着赭黃竊發遽如許喧然大點兵移檄插毛羽推轂  
遣軍容壯士皆貔虎府縣調急夫騷動煩里旅富室齎

金壁細民攜婦女巖谷遠遁逃股慄畏刀鋸寒儒守松  
楸効死安忍去南風吹捷音破竹聞吉語聖朝乾坤大  
鼠輩敢予侮妖氛已盪盡和氣滿南土但願勤民瘼治  
安每危懼昨抱心腹疴砭劑得良愈要於七筓間毋忘  
伏枕慮諸公頗臯夔臨軒跨堯禹鄙夫芻蕘言庶或資  
小補倚松一長吟停雲洒朝雨

呂信道以詩見遺作五字句報之

江州持月旦嚴於亞夫營君為倒屣客濩落四坐驚我

從鄂沔來會面邾子城新詩照牕几頗復深而清作人  
有佳處喜客家釀傾幽花不遣賞未免遭譏評何當小  
拂掠拚飲釐玉餅

有慶上人數以詩見贈慶始學詩於祖可爾來  
擺脫故步進而不已未可量也作短句以報之

晝公無恙時句吐春空雲筆端斂萬壑中間清夜猿門  
生霑賸馥派別自淵源深嶺蘿月妙縱觀嵐氣昏時蒙  
一顧重騰驤空馬羣大師於越秀幽氣如芳蓀玉笈發

金籥闕步登詞門脫略塵外躅摩霄鬱飛翻豈惟足風  
露定復多皇墳昨枉招隱句深靚麗且溫挽我誘松桂  
要移北山文諸郎短兵接此事獨策勲慙非鍾嶸評更  
休知音論

自武寧捨舟度嶺投宿南山寺

水落晚灘澁雲生寒嶺昏捨舟步崎峰鬱蘿陟松門孤  
烟望墟落浮林自一源野杓方屢渡槿籬時扣閭弄孫  
何許翁夷面復鳥言問津了不解路窮斜谷分暝投古



蘭若鐘磬清塵根猶疑武陵客誤宿桃花村

遊真風觀

緣雲得丈徑遂造幽人居夕風冒梁棟蒼苔上庭除仙  
崖衣襞積玉磬韻虛徐回首塵外躅浩歌將焉如

歸來堂為韓子蒼題

出處無定在閱世關盛衰令德山林尊昭代丘園非達  
人解其趣頗復擇所歸淵明傲世故葛巾風歆歆偶隨  
出岫雲戲作三徑資少日辭吏去新菊親風期韓侯極

簡秀早蒙當宁知未吐五色綫小試聊補遺高詠少司  
命乘風載雲旗一坐空無人安能免深排昨來天東壁  
少欲乘泰階誤隨曉星去流落天南陲得縣篁竹中簿  
領頗沈迷奈何訓誥筆反用催科為度堂痛掃溉勝氣  
自爾隨風度牕戶急雲生梁棟遲不減田園居歸去將  
安之窈窕青禁闥沈沈黃金閨至尊下溫詔羣公歌式  
微行矣戒徂兩長吟收夕霏

曉發章水道中有懷伯固駒甫師川養直効何

水部體以寄恨

幽牕未全曙百鳥忽忽鳴分袂會心侶歸艎章水平寒  
溫乍回互適茲凋兩莫水南花未放水北柳渾青春物  
幾駘蕩浮雲俄變更念昨一笑適愁分兩地情縹緲舉  
桑落醒醉醉還醒



欽定四庫全書

日涉園集卷二

宋 李彭 撰

五言古詩

發故篋獲端石蟾蜍研形模極小蓋予幼小時  
几案間物對之肅然如與故人相遇感而賦詩  
誰從浴日淵得此賴虬卵雕鐫勞哲匠瞞腹目仍睥良  
非銅雀渴頗覺鳳味短憶昔少年日濡毫輒塗竄蒼苔  
時覓句賦雪起為亂麟經析凡例義易明象豕冉冉桑

榆交忽忽顏髯換發囊逢故人清夢聊為喚李膺交北  
海中郎識元歎當時臨所遇與我意俱滿翻思辭學官  
嗽月復不淺起予剛直曾往往期并案願同戀棧馬作  
我郊園伴新詩真類俳破睡資一粲

宿開先

建業未焚櫬蓀山實靈囿推輪碧眼胡篤老勤井曰草  
樹百經霜往事如運帚遠懷一味禪徒酌三昧酒尋源  
徹河漢窈窕出幽竇卧看落山腰雙鳥起驚救稍深藤

蘿昏扶藁入徑取伽陀古錄鈎殷勤牧羊叟礪角煩羸  
牛外芭蘚紋皺往者不可作念切病軀瘦眼明逢島可  
秦度復畏友俯手攜阿連冥搜逃折柳竟亦不能奇荒  
蕪但如舊更須尋紫霄寒廳視牛斗

寄侍其雲叟

建業有高士幽棲閔嵒局時從出岫雲縹緲來青冥昨  
者修水頭伴我騎長鯨貌古心更古膚清神愈清朝談  
織烏墜夜坐玉繩橫辯舌不掛壁泊然忘譏評嶧琴孤

風嘯塵基飛電鳴慈明投祖去霜風助揚舲自我不見  
子三占少微星殷勤行沙鴈素書每丁寧悠悠望塵友  
變態鴻毛輕盟血未會乾飛語聊相傾少聞高士風汗  
下顏甚頰吾言盖有激因之見交情

宿雲居十住軒

塵事起濫觴洶洶濤頭聚對鏡眼生花尋幽心脫兔歐  
峰阻躋攀榆柳春再暮維時春作夏起我勤杖屨捫蘿  
惑去蹊陟嘯忘故步大壑埋白雲陰崖崩老樹縈紆幽



鳥道突兀升洞府  
虎眉老比丘  
倒屣蒙顧遇  
曾未契三  
關遽已棲十住  
暉暉天橫參  
稍稍牕送曙  
華鯨破短夢  
山禽喚新句  
伊予羣念息  
亦遭回俗馭  
徒為三日留  
復在邯鄲路

雪夜戲玉侯

望舒離金虎  
晚雨幻玉沙  
觸楹勢頗疾  
打牕風正斜  
西家有勝士  
夢回筆生花  
孺人近行邁  
章江駐雲車  
銀屏擁絳桃  
繡帳戲蘭牙  
整停短轅馭  
清歡春思賒  
陋巷笑

短李柴門蓬藿遮  
短褐對孟光  
冰柱吟劉义  
想君獨樂時  
覓句剩欲誇脉脉  
無由語疎林  
集暝鴉

對雪

晏陰城郭昏窮巷  
寒意泛回飈  
卷玉塵稍稍凝  
曙露應煩阿香手  
終日春薄暮  
獨鳥避寒柯  
驚麕迷故步  
木冰達官怕  
向來聞此語  
擁絮卧北牕  
鼻端從栩栩

遣興

彌年倦行役  
丘園曠幽尋  
殷勤響晴哢  
為我貽好音  
梨

花映皓月猶作故時面歸來雪如花坐看花如霰中朝  
懸美祿椎鋒號能軍而我於此時不武亦不文平生嚴  
子陵故自狂奴態箕踞問君房素癡寧小差上馬須不  
落起居善何如吾生行樂爾何用明區區

謝靈運詩云中為天地物今成鄙夫有取以為  
韻遣興作十章兼寄雲叟

嚴霜知勁栢大節見固窮懷人居白下抱道立黃中秦  
淮浩茫茫楚山耿叢叢胡為恠音素過盡南歸鴻

達士庶可慕勞生良足悲君看嘉賓黠何如方回癡榮  
衰等湛露變更如劇暴冥冥萬事定何用機心為

學詩如食蜜甘芳無中邊陳言初務去晚乃換骨仙我  
昔實知此老懶挽不前兒曹喜吟諷快意艷陽天

曩時阮步兵埋照每沉醉是身託麴蘖真若有所避誰  
知名教中固自多樂地花氣雜和風相我曲肱睡

西京執戟郎老嗜杯中物觀其所著書蒞讀由蹇吃劇  
秦見平生何心窺髣髴唯有四愁賦至今猶炳蔚

孔融天下士荀彧雙南金既為阿瞞用復為阿瞞禽獨  
聞管幼安龍蟠滄海深難用固難殺耿光垂古今

器博無近用胷中要縱橫腐儒昧行藏寒牕守一經營  
營市道交務利如蕪井無復典刑在況當觀老成

陽城海內豪隱居晉之鄙養此冰霰姿諫官安足起欲  
沮延齡相悠悠自風靡何以昭無窮政賴有此爾

灌園如結廬畦蔬如養雛敏耘斯易壯稍墮或攘耰賣  
菜厭求益得酒聊歌呼醒來北牕下解衣誦潛夫

幽雲生簷楹落日掛戶牖茂樹發華顛歸鳥鳴高柳春  
風可憐人舉茲為我壽行樂當及時浮名竟何有

次韻呂居仁見寄

井銚澹疎烟幽憂廢寒暑孤雲起幽嶼澤物猶能雨殷  
殷空裏雷何曾濡厚土燕鴻且長饑誰能投枉渚知心  
不識面公子實楚楚五葉活國謀摩挲嚙不吐勝日覓  
羊何幽期得支許才高賦雌蜺識遠辯鼯鼠蘭蓀無異  
縣臭味同此舉開歲欲問津夢逐寒江櫓

次九弟韻

觀山如觀畫入眼詩軌進厭則收卷之去留情不吝老  
境喜平夷落紙風雨迅誰能肝腎愁虛名媒疾疫屬聞  
殷國師已發吳越軻破竹擒諸偷長纓收犯順官軍將  
解嚴胸懷俱朗潤小鴈讀我詩出語亦道峻流霞瞰槁  
顏如彼潮有信但願吉語聞稱觴兀斑鬚

次韻元亮行沙頭

甘雪餞餘運行春慰清愁曠懷萬物表妙趣寄滄洲視

我園中蔬陳根發新桑恨無清渭姿入涇不同流老鴈  
唼菰蒲非忘稻梁謀天涯網羅密所以挽不留倚杖一  
蕭散好鳥鳴林丘誰同北山老不動移文羞仲兄儻能  
來長嘯狎鳬鷗

再次元亮韻

艇子打兩槳石城催暮愁不嫌波浪闊但懼水生洲大  
堤多女兒草暖復桑桑盈盈成雅步皎皎臨清流翠釵  
掛人冠自作橫陳謀非無一時好高懷詎能留朝歌回



墨翟饋藥逃東丘此豈聊復爾頗似憐包羞長吟望烟際飛來雙白鷗

從弟用前韻作人日詩見寄復和以贈之

涉七日為人眷言空復愁既念禰處士骨驚鸚鵡洲更憐劉太孫擇鄉得溫桑二兒千金軀輕生隨轉流樽中有歡伯一笑為爾謀白髮生如寄時駛不可留我有騰化術長袂挹浮丘若言可持餉定免二子羞煩君一來過春色著汀鷗

次閑叟見寄之韻

王侯氣邁往青春頗干祿任俠似朱家竄身脫冤獄甘  
隨走遁遊不作子公牘着鞭投前地嗜山性尤酷遺民  
卧江漢無心謀半菽數面遂成親開懷注醺醺新聞倒  
青箱讜論尊黃屋禪叅靈運前庭列山陰竹好乖當語  
離作惡徒滿腹西風掛席歸清談渴心足漢庭今側席  
公道追黃鵠莫作稻梁謀營營輩鷄鶩我自宴山川坐  
嘯臨長谷

次瑛上人韻兼示駒父

營道烈心脫脫葉危欲霜遊子多苦顏世故定未忘解  
包祇園下映帶瑤林旁窈窕寄雲鴈萬事炊黃粱今君  
華亭姿俛啄不得翔相期紬金匱妙趣詣方將

次韻謝吳國器見贈

眇然詩家流誰能補其處雋逸追莫還蕪漫推不去譬  
彼玉花虬絕塵須善御越女動鳴機纖纖工織素吳侯  
勇於文銳氣發睂宇既度驂騑前邊幅時得覩寧當縛

微官一掾妙三語病夫檣櫟姿老及那受斧新詩欲招  
隱便自忘勞苦眷言謝心期願公毋矯舉

三益齋

知人實未易定交良獨難勝已謝容悅有來期必端明  
公邁往姿勁氣摩諫垣確訥金石貫博極溟渤寬遺經  
起凡例射策凌孔鸞睥睨漢庭右言激壯士肝恥作子  
公書肯彈貢禹冠小試不盡妙銀章楚江干抱牘鴈鶩  
行欲作故時看彈治非柱後縮手心膽寒何嘗擾獄事

民自以不寃如卿未慙老此語垂不刊虛懷望三益閱  
此賢士關要須得偉人闊步未登壇拜公丈人行攝衣  
許躋攀反蒙補我劓况復親芝蘭會心在簡要我言真  
覺煩章成謝不敏猥并勞一刪

廬山道中望天池諸寺

籃輿造林口暝色歸暮田槁木半搖落羣峰翠回旋翳  
翳雲門塔霏霏祇樹烟夕梵落雲際微鐘下遙天平時  
笑傲處真成觀輞川巖壑事難必賞心難捨旃還將九

節杖踏月上危顛

遊廬山懷叔粲季敵兼憶小子珉等次謝康樂

寄惠連韻

諸峰靄遐矚上與箕斗近西風吹人衣蕭然無畦畛煙霞入詩句欲吐初未忍但恨數往來幽栖愧真隱真隱如虛舟渺渺姑乘流何須長卿慢暮年稱倦游鐘鳴起茵閣天上隱瓊樓焉能誘松桂曠懷且少留少留平生歡看雲復長歎芝蘭念竭末繭栗惟雍端倚松聊停策

意遠縈層巒風駛烟尚積雨歇雲猶攢攢雲本無心孤  
猿響山陰俯瞰白鹿洞仰窺紫霄岑何時攜諸少清盟  
可重尋仲子曰邊去歸鴉聞暮音

次環中韻兼示蔡安叔

徵君遂偃蹇乃復肯見過清秋雨方闕斷蛻猶飲河高  
論到正始往往操吾戈相期守雌一功成樂婆婆步出  
雲雨上長嘯攜羊何

觀諸少移瑞香花詩皆屬意不淺次轉字韻戲之

託諷本寓辭語亦要流轉歛觀移花作老眼頓忘倦勿  
矜風露姿未入麒麟殿行將顧盼稱深衷自茲見

次韻并示劉四壯輿

浣衣起簞仕釣璜辭碧灣朝來玩西峰聊答馬曹閒寂  
寥漢庭中二疏勇自退復有一子雲茅簷甘炙背

絕江遇大風

江流平兩堤艇子打雙槳西疇閱多稼北風吹巨浪諸  
峰忽低昂飛鳬隨下上欲為舒嘯期茲焉廢心賞



喜聞繩武元亮有歸期

行雲無定姿，況復出岫心。  
因風著孤嶼，悵望故山岑。  
遊子在天末，胡為成滯淫。  
巽坎浩難期，關河阻且深。  
向來一紙書，何啻萬黃金。  
未射漢庭策，不妨梁甫吟。  
孤花春欲盡，裏許要同斟。

赴隣舍招

虛舟縱逸棹，冉冉成老大。  
隨食蟲寄居，行年螳旋磨。  
來歸修水頭，視地不敢唾。  
俚言亦屢陪，灌畦常往佐。  
每於

休作時弄筆聊頓挫自謂老於斯晏然歌楚些年來尤  
屢空非關學高卧時節閭里歡觴豆競繁夥我獨蓬牕  
底達曙發清餓賴有竺乾書開顏真自賀近局可憐人  
鷄黍起顏墮整冠禮甚修坐客仍虛左浩歌為之傾樽  
為歌長破

題蘭亭修禊圖

商飈吹漢皋水滿郎官湖狂策上秋興拂塵觀畫圖娟  
然春風面觴詠聊歡娛中有超絕人髯髯多髭鬚筆端

吐奇胃紫鳳兼天吳草木方變衰安得蘭蕙俱生絹如  
無有酣放間歌呼可憐謝餘杭沾醉欹坐隅詩怪遭重  
劾罰酒輸行廚遙遙數千里定交在須臾金谷望塵友  
鸞鳥何其愚嗟彼許敬宗握筆侍玉除將圖來此傳懸  
知不相如畫中見勝韻真欲誅姦諛臨風增想像候鴈  
度晴虛

將遊雲居中途得佛鑑師到日涉簡徑歸

呼舩凌曙江江空渺黃霧冥冥蜀魄啼嘖嘖寒雀哺道

人大梁來折簡須晤語為迴綵雲策小緩攀天路元因  
會心期非關排俗馭青燈耿夜牕高談雜疎雨

東湖夜歸賦詩二章呈駒甫師川

春歸土膏動草際來和風厲厲氣又嚴晏陰似窮冬崇  
蘭未含薰蔽芾蕭艾中仲長久埋照幽期得無功湖光  
起遙裔淑景復冲融連山倒垂碧落日半規紅不須勞  
意匠物色自無窮

弱齡百不堪寄傲及壯節從人笑數奇丘壑藏我拙客

夢漳水頭鄰鷄鳴枯楊荷鉏挾新詩

一作桑

懷哉清夜月

野桃欲着花幾見堪泰雪當還灌我園終歲飽葵蕨

讀西京雜記十三首次淵明讀山海經韻

南風吹新竹密密復疎疎脫冠眠北牕興不減精廬緬  
思西京事聊開稚川書千古納眼界恍若巾柴車頓忘  
在堽墉灌畦蒔佳蔬筆端真有口妙處天壤俱明如丹  
青手百幅生綃圖舉似兒子曹矜誇還久如

恢恢樂遊苑遊樂蠲苦顏懷風森莽蓴吐花耀流年秣

騏無萬里銳氣陵天山妙哉首宿盤信矣非虛言

湛湛太液池氣接崑崙丘雕胡紫籜輩茂密誰能儔  
鳬與鴈子遡波還復流倭佺倚黃鵠往往乘風游

飛燕傾人國專夜居昭陽當時姊弟貴坐閱歲月長  
琉璃作牕扉金翠粲以光無復聞勤儉敦朴追文皇

彼妹掖庭子王嬙端可憐咄嗟毛延壽媚嫵移遠山  
一朝聘絕域艷麗復何言畫工戮幾盡遺恨抱當年

公孫發蒙耳猥作走厦木仲舒棄膠西白駒在空谷脫

粟飯故人安敢望薰沐齊人固多詐何由調玉燭

長卿還成都埋玉崑山陰謀醉鸛鸛裘楚然遯丘林賣

醪著犢鼻滌器揚巴音誰知子虛賦遽愜武皇心

子雲識奇字辨舌非所長有宅纔一區安貧固其常深

沉草玄腹如裹萬里糧苦心夢吐鳳流傳今未央

惠莊長安儒馳騁盤珠走廉藺粟犢五鹿不當負拊

心困劇談此中固多有口舌何足爭虛名千載後

淮南學神仙逸跡窮山海著書名鴻烈精爽凜然在字

中挾風霜反躬忘寡悔空餘裏蹠金萬世將誰待  
韓嫣佞幸徒翫曲承密旨長安有成言金丸不餓死平  
生鵠鷄冠於茲見操履安陵泣前魚炙手何可恃  
侍中着貂璫非無事君志雜用儒家流仕宦譏不止漢  
代從行幸親近固其理何嘗裨衮職所執玉虎子  
馬遷下蠶室發憤見良才伯夷觀列傳冥報嗟從來含  
悲復不遜安能避嫌猜高文垂箕斗斯士今悠哉

讀廬山記懷文若弟



茂樹遶茅棟鳴泉響屋除  
胃中了無累泛覽匡山書  
巖谷在眼界風烟來座隅  
時逢幽人語似與仙者俱  
昔在宗少文壁間留畫圖  
澄神可觀道卧遊良不疎  
嗟予何徒役山腰轉籃輿  
瞻焉懷靡及登臨將不殊  
聊憑西去鳥殷勤問何如

陪趙傳道都護飲擬峴臺詩

平生羊荊州雅意垂不朽  
登臨發浩歎望秋怯蒲柳  
誰知如湛者自可樊宇宙  
鄒郎不領略甘言發諛口  
奈何

千載餘卜築擬峴首我來勝氣生排霄峙山斗何暇知  
許事谿山攬明秀都護賢王孫為具掃愁筵晴嵐變晚  
靄霞綺粲高牖如開摩詰畫妙處落杯酒長嘯徙倚餘  
孤鴻沒南岫

遂初堂為仲仲題

長卿四壁立寥廓無羸餘子雲英妙姿有宅纔一區東  
山文靖公盛德壓海隅五畝幾不保翁仲泣遺墟張融  
貧寄傲非水舩安居是皆知名士慷慨振古無隻椽與

寸招乃爾未易圖頃年黃篋舫赤壁歲菰蒲尉曹得錢  
侯孤枕吞平湖自言家吳會曾高結精廬挾權彼何人  
連茵列鼎徒出奇斯無窮怡顏享渠渠理世無寬民屢  
上黃屋書竟爾完趙璧幸免攘公瑜赤手縛於菟幾發  
壯士疽草木初無情和氣勻噓枯尋盟賀燕雀聲樂聞  
烏烏獲鼎名其年作亭題遂初如公已克家得雄必充  
閭我居日涉園養疴聊自娛卜築頗清曠風烟在衣裾  
問舍經始難覺公言不誣詩成增想似疎鐘暝虛徐

晨起

晨起盼庭柯冲襟澹無營猶疑夜來暑幻作秋氣清  
籬鳥雀語各自謀其生安能從物役月落修渚橫

澹澹故園月暉暉垂屋星闌夕伴客語已復過我庭誰  
為旋其樞未覺顧兔靈要知本不動莫作流轉驚

宿康王觀

流水赴大壑孤雲耿松門風幡動林杪步屨烟景昏  
矯掌俟幽討高懷定誰論濁醪有佳趣溪魚供晚飧無名

窓外鳥催曙武陵原

重過康王觀

憶昔尋遠山停策康王谷  
烟昏鐘韻微林茂鳥歸速  
羽人雖稀少落日見樵牧  
徘徊臨清溪溪魚白於玉  
並遊幾何人槁葉下喬木  
回首十年夢前塵那可復  
欲去且少留殘霞帶孤鶩

醉起

戀花歇晝眠汲泉醒午醉  
潛筠雅相攜侵堦那復避  
微

風過方塘鬱鬱送荷氣丘園羣卉木詮品識根柢譬之  
足穀翁羸縮在心計借問有何好是中固多味

豫章通守李侯苦癰瘍卧舟中約予相見

雲斷夜來雨傍舟渡前溪波漲回汀沒林端遠岫微故  
人方抱瘵有約吾忍違夷猶理歸棹天末放朝暉

劉越石

蒼岑玉崢嶸寒林深窈窕石如馬鬣封其中藏二島匡  
山嘗款門煙扉耿相照瑤堦既昉截侍女亦雲縹茲焉

諧所求蟬蛻出塵表自爾絕問津日月數過鳥摩挲坐  
久如藤蘿歛猿猱

寄劉壯輿

曩者劉中允懸車未華顛騎牛澗谷底終歲飽風烟至  
今草木間餘光發幽妍秘書百鍊剛凜凜森戈鋌勁氣  
晚汲黯高文儕史遷當時補袞流氣缺摩蒼天一語不  
合意歸來枕書眠急流勇自退已度二疏前檢討少壯  
時嗜學勘丹鉛微官裹黃綬雄名敵青錢聊為三徑資

未減五柳賢薦書到禁闥信史多官聯仙署得董狐筆  
端直如絃季札羸博垠歸興何翩翩掉頭不肯住引帆  
黃篋船昨來離山東咄點羣兒喧一朝掛其冠謗語無  
由宣顧我牛馬走定交良有年相期實高蹈飲潔鳴風  
蟬雖無元龍豪問舍仍求田同採陽崗薇共酌陰崖泉  
來往成二老庶使萬世傳

宿慧日

幽牕著曙色匆匆鳥啼軫念在遠壑發軔離苔谿泉



聲作好語挽客來招提老衲道機熟空洞了無疑霜鐘  
耿晴空上有垂露姿暝隨噌吰聲直與雲漢齊摩挲不

及去行雲會東歸

鐘上有儋州題名云元豐七年九月二十三日眉山蘇某同參寥禪師登

樓觀  
雨

### 喜元亮歸

念君赴修畛值此春事晏坐牕居人愁木末遊子遠平  
時樂羣心亦起隔津歎南風不解愠執熱要排遣好鳥  
噪簷際冰玉來照眼歲華幾何時莫遣費牽挽茂椒儻

可人勤來或忘返



欽定四庫全書

集部

日涉園集卷

三五

詳校官庶吉士臣陳若霖

侍讀臣孫球覆勘

謄錄監生臣卞爾巖

謄錄監生臣劉錫珪

欽定四庫全書

日涉園集卷三

宋 李彭 撰

五言古詩

修源

修源寒皎鏡湛湛有餘地居然起灘瀨無復保夷粹人  
實不易知出處非細事懸知成小草何苦辭遠志饑求  
仁者粟不用濫乞米清言宜置患高誼世所躋君看陸  
平原華亭思鶴唳季野雖不言四時氣亦備一飽會有

時幽園動春意

宿翠巖

開門望西山歲月已云積及茲一登眺風雨送行役緣  
雲路崎嶇憩澗鐘寂歷幽討良獨難微吟夜寥閒

呼酒告竭不果飲徒飲漿因次淵明述酒韻

貧賤俯中歲沒齒甘無聞藿食屢清餓勢與膏粱分斯  
濫非我事濁醪餞歸雲素饘從告竭不廢抱皇墳嘯歌  
夜漫漫曜靈未能晨豈非杜康絕督郵那復馴壺漿當

觥飲舉白澆余唇飛霜凝暑路調齋何殷勤不堪餉親  
串一笑貽文君悠悠缺陷界本無藉與薰亡于天地間  
而生經緯文東丘終反魯仲淹世居汾懷寶何必售千  
載猶心親伊優與骯髒榮哀本同倫

小軒前菊花玉雪可念今年忽變鶯黃作詩小  
話

幽軒種佳菊得秋耀素華頗與塵外客特來當煮茶賞  
爾貞潔姿珂雪淨莫加今年日在房暉暉弄新葩誰令

色無主稍稍作此花長吟復三嗅亦復長嘆嗟汲泉蒔  
根本藍田待瓊芽

觀訪戴圖

閒庭秋草積滿砌蒼苔深忽向冰紈上聊窺訪戴心雪  
月俱皎皎風林互森森縱觀停鱸處猶聞擊汰音終身  
剡溪曲何嘗返山陰徒言興已盡真妄誰能尋浮生同  
盡爾慷慨為長吟

別何肅之

吾黨何水曹明憲飽書傳筆頭夢細桃秀句出黃絹胸  
中萬壑冰壁月共凝遠未受沈范知苦乏崔魏見効官  
三徑資立節九秋幹隨牒修水漬未減潘懷縣誰知舞  
文吏抱牘進鳬鴈煩苛困疲民欲作搏沙散談笑罷追  
胥老稚無遺患春風吹城隅花柳俱紛衍胡為動歸艎  
徑去不受挽病夫卧幽園念離情莫遣營詩持送君愁  
雲橫絕巘

遊資聖菴遇明光明祖首座



久從招提遊妙趣崖谷迥自謂頗造微何由昧斯境絳  
氣靄秋空白雪一作雲屯夜永華屋蔭修椽皎月浮藻井

壞衲逢阿師莽尊髮垂頂簡默近道要虛夷發幽省念  
昨分手初霜颺虎溪冷及茲再會面老色藏秀整屬予  
妄緣息值子塵事屏循澗意無窮捫蘿度前嶺

寄雲居微首座

天星粲以繁斗杓橫復直其誰移人間羅列遍阡陌綺  
紈涕笙竽觴酌事几席遙憐山阿人聽鐘夜寥聞孤峯

最高寒陰崖四時雪許分一派風濯我朱夏熱江皋春  
事歸峰頭猶凜冽報子以迴飈草木亦欣悅

客有以贗銅香爐見貺者感而賦詩

巧匠資妙手斲泥冶金爐雲雷載皤腹金石鑿慢膚外  
質荷潤色中局嗟厚誣巖巖金博山水沉與之俱青煙  
耿朱火鬱窈凝空虛香色映華觴

事見漢上題襟

噴薄滿座隅

謬當二器間顏泚意不舒如聞厭浮偽此物無贏餘勿  
云識真少為謀良自踈

次徐十題承天壁韻

權門嗟來食諸郎願操瓢獨有聘君孫詩裁九牛腰南  
州翁仲泣祖風端未遥漢庭給扶人進隨退晚朝凌煙  
在何許潘鏡二毛彫抱瑟懶來齊啜羹常見堯與子同  
臭味何時共儀韶

雲薌閣為簡寂賦

匡山苦霧裏衝曉度前溪定是柴桑老來尋陸鍊師誰  
復飡霞客天籟吹參差泉妥巖崖白雲生梁棟遲若憶

遼東鶴似聽淮南雞西隣約惠遠同採此中薇

雨過清曉登鄰宮鐘閣

倦夜思重閣曙登興悠哉殿古木亦老江闊眼逾開宿  
雨風前落幽雲鏡裏來高懷無一欠客底悲徘徊書空  
復長嘯烏雀莫相猜

泛舟

時從弟俱行兼懷從兄元亮

暄風吹天墟淑景來日涉繁花已舒顏晴哢復緩頰平  
生萬斛愁賴此短兵接俯攜諸少年清江玩舟楫波平

卷三  
罷牽挽論高闊嚙躡紆懷荀慈明冰霜胸中挾食貧傍  
人門官學居建業向來疥遂店性命危脫葉勝遊夙昔  
共大句常友業回頭見小雁頗恨暮山疊何當奮飛去  
碧雲端可躡

過淵明祠次還舊居韻

往者金華公賜環楚道歸筍輿過柴桑彷徨有餘悲荒  
庭尚如舊物色人事非寒風起虛林木葉無復遺榛叢  
傲霜菊詎肯相因依二事墮渺茫茲理未易推適堪作

廢朝總芳俱不哀當有曠達人橐金煩一揮

北齊校書圖

嫣然粉面郎上馬能據鞍身非行秘書亦復磨鉛丹六籍火攻餘渡河惑亥豕毫端雖有神頗能正朋字

自寰通巽橋尋幽

谷鳥喚暝姿孤鐘生晚聽危橋澹忘歸巖壑耿相映潺湲見機泉窈窕入雲磴遐矚野寺門忽盡山陰興

醉中戲贈淳上人

上人湯休徒肯顧亦云屢衣上鳳栖雲辨我林壑雨殊  
方怨別餘苦乏碧雲句禪間儻能來聊用慰哀暮

到家用環中韻呈玉侯

客子倦行役失席高軒過胡床語清夜皎皎天無河勅  
宰自理窟何勞觸干戈蘭摧玉久折蕭艾空婆婆彊  
進忘憂物無如作病何

遊仙二首

昔日漢公昉畦瓜真人旁試此塵外姿持獻分甘芳神

丹為之壽千里還故鄉  
効鼠得被具妙處固難忘  
雲生五畝宅雞犬亦得將  
應持八瓊文往酌九霞觴

江叟冥寂士邈非芻豢流  
悠然揚舲去路窮仍曲謳  
野笛三弄罷變徵荆卿愁  
我懷乃昭曠興寄真滄洲  
只應清夜鶴時過巖山頭

### 夜飲

公子敬愛客高會不知疲  
樽下殷勤勸只以慰數奇  
樂憐張女彈舞倦秦王衣  
持觴不作難霑醉倒接羅  
客子



歌言歸主稱露未晞

七夕

兒時聞天孫今夕聘河鼓鳴機應暫停飛鵲橋邊渡  
藁砧倦服箱捨策息怨語常時別經年雪涕作零雨念  
各非妙齡無復啼着曙癡兒去蹇拙芳樽肴核具頗憐  
柳柳州文字稍誇詡昔在台省時棋畫秘莫覩奈何吐  
憤辭投荒猶未悟性與是身俱巧拙有常度何能謁以  
獲詎有期而去悠悠區中緣當今愛體素

得六弟書有歸期

茶鼎起松風明窗共昏旭孰令著征衣貧病為推轂畏  
途阻且長況茲加煩促忽傳尺素書歡喜三過讀蔽芾  
惡木蔭前修慎其獨缺月耿孤桐歸雲赴深谷吾擬誦  
招隱殘章留子讀

晚登鐘樓即事

幽棲無熱客地僻自鳴蛙危樓一登眺晚涼清興賒疎  
林方寂歷惡木半槎牙五峯在北戶慰眼落玄花危檣

渡洲渚暮帆收日斜巖崗念徐稚去及東吳爪雪山輕  
幾許高士正浮楂南州苦牢落秋鱸寒可又願懷張校  
尉莫作賈長沙何繇致叩叩翠栢故啼鴉

夜聽從弟榮緒琴

涼月耿茂樹微風薄疎林令弟肯過我清夜撫鳴琴妙  
生徽軫外虛夷有遠心哀猿山暝嘯凝笳霜霽吟胡馬  
驚朔吹楚囚操南音王嬙宮廬泣校尉漢恩深翻令曠  
士懷數行下沾襟曲中頗清壯攫醕蠲煩淫亞夫軍細

柳令嚴夜沉沉我友擅丘壑頗遭雞須侵營詩貌烟靄  
辭慳負幽尋畫師雖無如滄浪一蹄涔藉爾山水曲軒  
豁窮上岑勤來商畧此勝處要同斟

掃除尚書公冢下

平原令僕射精銳暢人謀當時焚諫草安知即山丘零  
落三十年誰其追遠猷只今忠義風夜夜鳴松楸啼鳥  
勸行沽催花生道周遺墟泣翁仲荒蹊風馬牛非無玉  
樹郎抱官在中州悠悠生存子那得不沉憂

讀揚雄法言

子雲老暗事晚乃著一書經營極淺易艱深聊堅塗終  
身作雕蟲出語嗟壯夫苦笑屈原智頗憐晁錯愚丹青  
果變玉美新孰非諛我麟不可羈投閣將焉如侯芭痛  
領畧見謂老易徒小兒楊德祖鑒裁自不虛

擬古

彼美如花人如花復如玉嫁作征人妻別長歡日促拂  
掠可憐粧翠袖抱幽獨飛狐驛使斷交河無寸牘春著

鞏梅繁風吹秦樹綠草生森莽尊誰能辨  
賢隸啼裏花成子愁間笋為竹雨滴翡翠  
帷月上寒蛩褥稍知狹邪遊能忘窈窕  
淑新人工參差故人勤杼軸惴堙為病  
媒經緯有邊幅苦言餉夫君夫君當熟  
復告君君不知我自藝蘭菊

題洪駒父徐師川詩後

籍甚洪崖孫高寒欲無敵徐郎聘君後  
挺挺百夫特堂堂無雙公戶外滿屨迹  
虎豹雄牙須儕流甘辟易徐詩

到平澹反自窮艱極周鼎無款識賞音略岑寂陰何不  
支梧少陵頗前席洪語自奇嶮餘子傷剽賊大似樊紹  
述文字各識職二子辨釘餌鄙夫與下客粢食薦銅羹  
熊蹯雜象白殿最付公議吾言可以默

醉書

春風吹草木莽蕳換衰朽亦復吹我顏祇覺成老醜  
連呼醒酒水來祛掃愁帚遣客我欲眠深憐柴桑叟  
以形模婦女笑度量兒童輕為韻賦十詩

孟夏樹扶疎繞屋鬱青青了無俗士駕嘯歌頗忘形洩  
雲闕前峰瀉雨自神屏疏孟有妙理未減五侯鯖

清晨澹無營按行瓜芋區二雛能拜起嬰兒千里駒抗  
顏捋髭鬚酤酒提胡盧幸非李元禮何勞為楷模

潛筠穿屋頭幽草圍舍後手攜東臯書竟熟俱上口詩  
無擬澄江文不誇幼婦婆娑丘壑底藏此牛馬走

丈夫志四海搏風類鵬舉方其未遇時潔身閨中女晝  
伏夜動者貪冒如倉鼠炯炯抱名誼所慎在出處



我有百衲琴巴渝不同調三疊太古音那免世驚笑彼  
哉遇喉徒睥睨追風騾幼輿雖折齒初不妨吟獻

謝公東山時徹侯等塵霧一朝畏桓溫攝衣忘雅素忽  
著進賢冠頓失滄州趣勇退真難忘天末橫雲度

昔者溫簡輿王屋頗清曠建封禮為羅非復無度量落  
膽劾權臣寵街速官謗輿棧胡不歸猿鶴儼惆悵

少室拾遺公許身頗與箕韓侯為作牙俯交軒冕兒獻  
策盪淮寇犯顏立丹墀未免誘松桂應遭北山移

尋壑逐飛鳥持觴送歸鴻不解世俗書稽古何所蒙久  
矣川效珍矧茲山不童應容陶隱居住佳眠聽松風  
舉世市道交誰能保榮名譬之多財賈惡器安得贏一  
身拱壁重萬事秋毫輕向來冥寂士飄然逐遐征

七月十九夜有大星賁于西北

迢迢天漢星寂寂夜未艾孰居無事中差次若璣貝向  
來西北隅煒然獨顛沛彼蒼旣悠遠神理滋茫昧豈君  
坐逐客無乃勇自退嘯彼亦何為竟夕屹相對絡緯啼

井欄和我微吟內

五月二十四日晨起隔壁聞季敵營詩戲作此

嘲之

阿敵覓新詩蹤迹真詭秘如偷發闕鍵大懼驚隣里微吟蟲得秋幽討蟲搜耳排句歸陣鴻細字列行蟻詩成膽力壯巨軸書側釐遠寄賞音人稍欲見名字但求皇甫序何暇公榮醴吾言可并案嘲竟聊自洗

巢雲亭

山柳排晴空羣峰助高寒危亭踞上游不在世網間  
曉窻飛鳥度暮簷餘雨還興多仲宣樓勢肩天姥山落筆  
睨前輩血指空汗顏金華牧羊客句回造物慳眼界無  
一欠辭源溟渤寬會當踐不朽夜郎今賜環

芟香亭

束髮事明主遇合誠獨難譬彼佩犢翁穠蔭功貴完  
明府真權奇汗溝沫流丹雅意獨當御未享甘藷盤詔許  
上紫殿占對隨孔鸞底事寢不報鼓船下風湍顧茲未

逢年于我頗復安治道貴清淨稚耆家相歡析楊生木  
鷄榛蕪難西園方塘每製芟澤畔思紉蘭靈修方布席  
下詔應賜環勿墮逐臣淚去躡青雲端

淨薌亭

校讐淇園姿勁特傲霜電論交不滿眼入社難湊泊賴  
有此檀藥媽然時解籜風枝蕪雨葉調度固不惡結實  
何離離開花紛莫莫鳳鳥當來過歲華今異昨

夜坐食蛤蜊

紆紆寒鼓鳴稍稍華月上蒲蓐蔽幽齋夜鼎驚暗浪但  
見魚蛤蜊許事付塵埃獷殼雖外緘甘腴實天相霜臍  
貴抱黃雀醢誇挾纊江瑤初脫柱蠔山憐疊嶂盤飧得  
此生風期特高亮如跨大宛兒凡馬羞駿馭嗟予鬢成  
絲山林真獨往會心不在遠坐有濠濮想

敦好軒

會心誠獨難托契復何有曩哲有遺言定交于杵臼此  
風頗淪胥射利一相就口血曾未乾轉盼忽賣友夙心

何由敦聊與眷眷偶是中白頭新嘉德真耐久恍如對  
華觴心醉不在酒誓言山若礪此好那容朽商飈振庭  
梧明河掛箕斗

題范贊府覓先春亭

范叔老不衰周禮素獨秉素標垂青衫不厭官踪冷抱  
牘鴈鳬行色笑辨俄頃園涉寒未餞和氣君先領霜花  
吐幽香煙柳發新穎大鈞無私酬播物厚茲境仁人所  
遊居寒威甘遠屏要當均此施草木清晝永

錢伸仲乞靜照軒詩取逸少所謂靜照在忘求

云

往者多逸想山陰時見之肯持圭組面自塵丘壑姿奇  
偉不少貸確詎無纖遺保全勝東山出語曾未思巢許  
逢稷契何由致于斯乃比石衛尉此老端不為觀其誓  
墓作豈復隨家難忘求在靜照定體發光輝誰料百代  
下領此無言師元非折腰具聊復尉河西開軒延勝氣  
不許賸客隨凜然蘆藺風坐用談笑追懸知杜武庫時



與河陽期持觴望天末雲樹相參差直恐永和日未能  
相盛哀徑煩畫幽處公莫惜鵝溪

阻風濤湓浦捨舟由山北以歸

自發郎官湖掛席如江練繫舟潯陽郭風濤中夜變攜  
孥坐菰蒲驚歎雜鳬鴈明當度山椒聊寬故園眼

諸人絕江遊同安大風濤作予適病眩不能渡  
平生湖海心舟楫雅所便揚舠欲尋山風濤怒掀掀中  
途得眩疾跨馬如乘船誰能于此時絕江歌叩舷寧費

賞心晤歸作甕牖眠壯哉二三子嗤點懦不前顧慙謝  
公嘯幸免季野憐延目望斜照歸路山蒼然

用陳觀韻寄廣心敦詩兼示陳

卧疴春帶賒抱獨眉宇皺歛懷北阮貧既親亦有舊歸  
歟渺前期騎氣勞侍後暄風攬客衣勝處當宿留遣我  
次公嘲知君杜陵瘦

陳侯探禹穴辭源何浩浩佳處似陰鏗丘里得名早吾  
家習主簿筆頭妙揮掃花繁漢署香春事隨花鳥快哉

兩牛腰何代無賀老

四月十八日過師賢留飲歸用前韻寄師賢

避俗非避世擇交欣擇鄉共泛忘憂物聽雨對胡床  
江湖繫解艤夜窓燈火涼論詩中鳴鏑辭源注方塘  
韋杜骨已朽誰焚更生香我纔肩培塿君自粲氏房  
玉人能曉此藻繪已埋藏破涕欲為笑橫膺復快快  
行矣勿復道孽孤政為祥

離雲居道中偶成寄微先馳恭首座

久樂巖中趣未覺身世拙冬暖愁雲開歲晏塵事歇山  
靈招我遊草木亦欣悅黃松少穉羔蒼崖對宿雪山川  
誰斷取擎在仇池穴恭公雨花手微公傲霜節一作睡喚  
起隨粥魚談餘餞山月兩禪過虎溪一笑頗清絕歸來  
武陵春欲向幽人說



欽定四庫全書

日涉園集卷四

宋 李彭 撰

五言古詩

寄微先馳

雲橫暮鐘微，窻含遠山曙。  
卷祴正佳眠，候鴈送寒暑。  
觀君弄泉手，豈是縫裳具。  
獨鳥不西南，長懷天際樹。

寄徐聖功

暄風緣隙來，窈窕過我廬。  
新花已集目，弱柳復藏烏。  
故

人怪音素定知中密疎客從西縣來問訊聊可娛幽窓  
含暝色亮月麗高隅意逐前雲去微鐘尚虛徐

以酒渴愛江清為韻寄秦廿四

春風草際歸爾客向杯酒觀化發珍藏俱為鄙夫有雖  
無雅頌姿素之維楊柳賞春良獨難深憐魯中叟

倦游文園令病肺塵消渴句幹造化機雲霞互轆轤慢  
世誰與儔嗤議從夸奪誠哉死諸葛能走生仲達

通籍金閨人物望侔鼎鵲醉卧古藤陰一往無復再卒

業有劉歆學富仍多愛定持柯亭竹遡日吹丹塞

玄暉擅江左遠岫列雲窻佳句神其吐律身未敷龐胡  
為犯竒禍雙流帶二江將智嗟耄及懷寶聽迷邦

隋河苦黃濁不亂長淮清秦郎久埋照餘子祇平平詞  
林得此士隱若楚方城風流不頓盡驚人聞一鳴

用韻寄潘仲達

淵明解真意欲辨斯忘言我亦厭苦相頗復參鷄園潘  
侯隱于酒早悟逍遙篇兩髯俱似戟空洞復昭然不作



逐貧賦共結貧中緣臨江弔公瑾登樓懷仲宣何須畫  
麟閣從渠定天山君看持漢節白首自丁年

寄甘露滅

疵賤楚江濱真遭女嬃罵自無交吕心從猜追信詐頗  
耽麴米春寒柯一壺掛戲逃蘓晉禪時赴拾遺社念我  
眼中人十燭九已炮向來支道林得禍不能嫁解羈縻  
霧中萬事頓高謝奇胸挾風濤吐句端可怕何時織錦  
機緯經聊一借懷哉付短章參旗耿寒夜

次韻寄錢仲仲

簡秀歎真長韶潤思阮裕眼中人物哀政爾用金注吳  
產尚父孫思脫塵中屢嗜學頗驚竒于我實肺腑高材  
堪遺補伐冰非所慕時于鼓吹間自得鳴鵠句妙語隨  
霜颺識我丘園路賞音吾敢辭當傳太冲賦

次陶淵明贈羊長史韻寄李翹叟

遺民百念冷中歲多難虞不希咸陽價頓有旁行書李  
侯妙德望間雅亦甚都南郡此名流聞聲十年逾披雲

落星灣情留厭歸興只今丘園夢君與川岑俱胸中書  
零亂清言不躊躇曩時黠道囚風神頗相如此翁蟬蛻  
去詞林遂榛蕪迺于羣憂中孤笑成歡娛冷官類逃禪  
未減漢庭疎何時招隱巖追涼遲望舒

還日涉寄吳世良

白珩藍田生赤驥渥洼種異產非其源定自難入用吳  
侯掌武孫九鼎家世重筮仕如挽強妙手一中抱牘  
鳬鴈行嚴憚安得縱捐金購奇書嗜學有餘勇鄴侯空

插架而子頗成誦昨日章水頭春風吹客夢開筵置清  
醴落月流畫棟念子不負丞義士色為動梯山貢枯矢  
効珍出銀甕胡為百僚底歲月數賓送天邊賞意意推  
轂亦云衆他年解組歸三徑着求仲

次九弟遊雲居韻兼簡鄭禹功博士

幽棲捐衆累塵事猶抗行浮湛太古相却掃何癡生祇  
園有勝踐蒼崖無俗情笋輿度絕壑雷雨下滿盈

矯首出巖幽斜日耿煙樹玄蟬斷續鳴驚麈縱橫去未

窮山海迹茲焉賞心遇絕勝馳康莊車鮮馬仍怒

博士麟一角曠世獨秀羣胸中藏箕穎筆端生風雲平  
視楚倚相陋矣知三墳佛界飽遊行草木俱欣欣

阿彤荷衣時迺與此山別願言奉巾屨不復苦炎熱歸  
來出新詩老眼聊一閱雖非天姥句淺淨亦可悅

病夫世味薄野處隨年深以彼有限景寫我無窮心緬  
懷太冲語山水有清音時尋松桂約勿遣嘲書淫

次韻謝朓直中書省詩寄馮彥為

泰階就平夷風軌肅恢敞內樞方暢謀吳岫俄矯掌富  
貴踐危機紛華嬰世網諸生經濟心緩帶赤霄上黃金  
買蛾眉歌臺爭暖響未聞舜九官賣友變俯仰重瞳垂  
衣裳閭闔映蕩蕩均勞當賜環看公被嘉賞

次韻謝朓京路夜發寄六弟書因以督其歸

問津實知津阮屐穿幾兩束裝徑嶺岿呼船凌決泝老  
餘風埃顏枯槁日上屏居二十載寡求每自廣眷言  
季行役清音當見賞聲華慎交綏物色易搖蕩得雋早

歸來母為勤掉鞅

寄郭循正

粲粲有道孫丰姿復亂真養氣如晴虹照映塞外春  
好大有餘韻雨墊烏角巾典學萬人敵談笑五臺賓  
篆筆壓秦相翻笑蔡有鄰長袖果善舞巨價藏百珍  
豈繫寂寞中見此妙入神平生樂聞善況我骨肉親  
孟堅贊炎漢揚雄賦逐貧

次謝宣城出新林浦向板橋韻寄汪彥章

名郎摩霄翼徑逐先賢驚奇胸如洞庭中藏萬烟樹憶  
昨易前期寒暑亦云屢雖聯臺省班未減江湖趣老境  
專一丘病著隨所遇何時過我來嘗柑喫香霧

寄陳無感

憶昔悵有違平湖拍天漲公乘美滿風乘興破巨浪我  
歸茅屋底念切情惆恍中間忽抱瘵此病最无妄伏枕  
辭鳴蟬秋風吹倚杖緬懷醉夷門歎咏真愜當頗復持  
漫刺曳裾謁丞相曩者金石交為子傾家釀膚清神更



清年壯思亦壯蘭臺要給札抒寫不流宕謹言動主意  
湛思慰人望歸帆拂五老停艫當疊嶂不忘茗果期烟  
扉聊一訪

余與劉壯輿先大父屯田父秘丞為契家壯輿  
又與予厚不數年皆下世今過其故居

劉郎平昔居門巷草芊芊念我眼中人骨驚淚潺湲中  
允實高蹈倦遊自丁年間舍得匡廬卜宅如澗瀍懸車  
著屋山騎牛弄寒泉秘書極精銳筆下走百川口戈擊

姦佞直聲震宇喧諸郎排候鴈一一落雲天獨餘漫郎  
叟高名星斗聯辟書日夜催援毫錄羣仙幾負喪明責  
掛冠遂言旋中河忽墜月半岳遽摧巔孤嫠俱幽憤一  
仆無復痊傳家惟蔡琰擇壻得鮑宣驅車官殊方衡宇  
頽荒阡壞壁蝸篆滿小窻蛛網懸翠藹遠山暝蒼苔修  
竹連往時所憩樹相與聽鳴蟬忽逢持斧翁葆鬢青行  
纏採薪收斜日伐竹破疎煙沉痛迫中腸裴回不能前  
高明鬼得瞰豈弟神所捐微吟復淒斷暮角西風傳

予與謝幼槃董瞿老諸人往在臨川甚昵幼槃  
已在鬼錄後五年復與瞿老會宿于星渚是夕  
大風雨因誦蘇州誰知風雨夜復此對床眠之  
句歸賦十章以寄

賸客苦填委神交多乖離靜言數存沒驚風遯難追水  
清石自見山高鳥鳴悲一盃且相屬何庸記吾誰

久矣羗山遊幽討無復遺如觀侏儒節觸類或可推山  
靈厚相戲傲以所不知故放出岫雲變更無定姿

憶昨謝幼輿宜著丘壑中論交麴蘖底愁絕連樽空自  
我失此士清夢隨歸鴻封胡與羯末安知無餘風

高臺擬峴首孤峰陵天姥與子各壯年車鮮馬亦怒歲  
月忽欺人于邁不可補詎知喚仍回藜床同夜雨

誰其妙丹青將軍獨曹霸能開生面姿拂絹貌照夜偉  
哉千載後萬金不當價吾欲評斯文善學如善畫

却老煩青精度歲掘黃獨長乘下澤車何煩挾丹轂求  
我盛年非常恐不可復永結交舊歡阿謨甘碌碌

吾憐阮嗣宗口不掛臧否是眼何親疎青白生譽毀照  
隣殆庶者穎脫當悟此本心如虛空何嘗受塵滓

曩時太傅公日下欲無對富貴恐不免大節在顯晦一  
朝出東山勲業到鼎鼎眷言固窮士難進思易退

脂車離郊園潛筠人許長歸來十畝陰縹節已儲霜畦  
眇日將蕪况復病在床亭亭望五老煙雲晚蒼茫

渚蒲方蒨絢汀草亦芊緜扶藜數過鳥蕩槳看歸船董  
子有來約要在秋風前已辦河朔飲更哦陶令篇

喜遇洪仲本于山南以蟬噪林逾靜鳥鳴山更  
幽為韻作十詩寄之兼呈駒父

萬壑無定姿勝處加風烟愛山亦尤物常怵他人先凌  
厲矯雲翮酬酢含風蟬終日松路永冲襟頗蕭然

故人隔秋水夢往寧可到山南會心處不負乾鵲噪胸  
中如陰雨百穀仰一膏嘉德向來深此事神所勞

明月出東壁歷井復捫參如我飲歡伯了無經世心土  
膏富畦壠濁醪有常斟鳥語復見廣浩蕩栖雲林

遊目霄壤間稟生不可逾企躍有定在嗜好真殊途超  
詣方獨往安然鐘鼎娛嗟彼強聒士營營竟何如

老圃志沉鬱久哉宦悰冷道廣雖難周恬愉境元靜著  
書雪明窻垂老真雋永諸郎汗血姿一一皆絕影

窻上飛野馬酒中鳴山鳥俯仰幾何時秋林風嫋嫋高  
懷凡情盡虛齋塵事少卧讀若耶詩意寄在雲表

綠髮嗜翰墨頗徂成章程耽思且傍訊僅有能詩聲老  
語如凍芋時時強抽萌公等極英妙每聞鸞鳳鳴

禹金貢九牧鑄鼎知神姦博學如地負能發鍵與闕奇  
貨只希價妙語期藏山要當繼三代何勞追二班

豺祭秋事歸蓐收遂為政爽氣挾曙來風露頗輝映祛  
我中夜懶起予維摩病回首問炎蒸暴謔子難更

倚杖覽清曠江皋事事幽戰勝名義府策勲逾徹侯世  
故每情得塵緣成語偷長吟撫孤松濯足清江流

蔡州顏魯公祠

孤雲亦羣遊勁柏受遠托烈士懷貞心肯勞常情度堂



堂顏太師立朝獨莊謬太宗柱石哀中夜懸六博朝廷  
冠劍人孤君資元惡公當蔡州鋒活國立然諾頭顱危  
一葉舌本未渠弱恥為蘓屬國華顛圖麟閣想當凶焰  
時直氣森噴薄廟貌存典刑社鼓追冥漠我生當昭代  
何憾涕橫落浩歌招遊魂白眼瞪寥廓

聽了公孫彈琴

商飈吹菰蒲船官雙停槳中有陳太丘堂堂道彌廣容  
我拜牀下凜然增妙想碧洞名家兒侍立資開爽取琴

為我彈襟懷自恢朗蘭芽弄蕊絃巖谷發佳響迺琮  
璧姿風氣日豪上一言犯台鼎放逐金波漲郎君翠眉  
低沉憂雜悲壯滄海連三山攫醪共消長生雖有如此  
十年違色養推手且罷休夕嵐橫莽蒼

倦夜

倦夜苦夜短追涼卧前楹清飈颯然至淅穢開天經月  
在房心間木末相將明頻年困杭稌何足糝藜羹一飽  
吾可必呼兒斟醪醕酣歌幾達曙露下濕流螢

雨坐遣心

孟夏始三氣暑還自何鄉稍稍切肌骨病著徑卧床雲  
從甌峯來將雨送微涼容與過朝市殷勤洒林塘幽窻  
多僧氣頗帶山茶香縹思隨歸雲冉冉列禪房此物方  
料理陰崖容伏藏火老恐愈濁熏煮猶未央會當牋山  
靈時來呵不祥

讀左氏

麟經書王法聖筆行天誅丘明發其蘊磊磊照九隅奈

何璽栗犢命曰相斲書世不足董狐殺青議其覆無煩  
家置喙粲若夜占斗舌本未暇澆但自飲醇酎

送嗣行叟住雲巖

昔在馮光祿精兵伐莎車大宛獻象龍權奇天馬駒朝  
趨不動塵歷塊暮過都銀鞍香羅帕晞驥行坦途一朝  
伏轅下局趣時長吁霜蹄繞羊腸翻思在垌娛復聞郭  
橐駝種藝絕代無擢秀土膏動安恬肆紆餘儕流失妙  
理靜躁由來殊木性不受觸剝膚驗榮枯柳侯為作傳

臨民真楷模嗣公武夷秀淡然雲水徒風期壓支遁淵  
源從老盧膏肓在巖壑浩浩不可汙屢辭公侯聘煙霞  
闕團蒲忽著垢墨衣俯身蛙黽區我本佛國淨示見穢  
土居譬之噴玉姿驤首徑崎嶇雖懷萬里氣詎可輕艱  
虞亦如蒔卉木涵養須敷腴根節藏蠹蝨安忍不剔除  
名駒即商鑒種術毋令踈邾螽或螽蟄三言成於菟願  
公置坐右愛之良不誣夜窻為長吟霜飈響高梧

次九弟阻雪不得遊雲居

憶女垂九齡尋幽非舊常兩鬢忽如棘歌聲類蒙莊山  
色故無恙老者鬚眉蒼載之著車後誰言山路長每逢  
勝絕處賦詩要難忘大雪渺空曠清境詎可望燭龍何  
時來銜曜發暉光長懷亦云極煙渚聞鶯鷓

雨後望雲居

愛山勇成癖巖壑羅心胸政使詣幽絕何如天際逢春  
雨雲斷續蔽虧歐岌峯如我金石交渺然曠音容眼邊  
出突兀煙霞更葱蘢方營五字賞鳥下醉吟中

聞蘓大養直同李子充遊雲居作此詩招之

人心各如面石交定難逢吾觀蘓夫子真有古人風自  
開蔣生徑日望求羊蹤乃攜李長吉上我歐岌峯荒山  
落君手稍欲吞附庸練練峯上雲蕭蕭巖際松想當岸  
綸巾嘯傲驚歸鴻我有浣花竹隔林聞曙鐘幽禽發佳  
響亦足披心胸何當小休轡一尊聊此同

再次阿敞韻寄舒大士兼簡微首座

風窻生晚聽雨砌耀宵行斜柯橫吹度緣堦細草生片

月懸屋角嬋娟有餘情世味了無取虛懷浩難盈  
欲念山阿人臨崖九秋樹袖手謝鼎來屬袂推不去兀  
爾自忘緣湛然隨所遇稱譏洵濤波渤澥恬喜怒

我亦樂清曠頗甘去人羣回觀陰華軒澹如秋空雲二  
桃殺三士纍纍蕩陰墳吾廬蔽床席有托衆鳥欣

室邇會面稀輒發分首別緬思耐久交不為翕翕熱祇  
夜在貝多有懷時間閱嘖伸三昧起燕坐真適悅

吳產微開士膏肓巖穴深向來避小草于今有遠心懸



知軒轅律定非桑濮音寒藤且高閣川塗多毒淫

端午

鄭袖椒房寵音容勝莫愁多情上官郎朝夕侍冕旒從  
來秋水好見謂繞指柔何堪女嬃罵竟與馮夷游至今  
荆楚兒奮舟競長流重華改前度歸翮起南州莫作古  
時恨靜聽羣謠謳

北窓睡起有懷吳世南

曩時謝仁祖蕭散北牖下捍撥響鳴絃天際頗閒暇淵

明曲肱卧餘事眼不掛便欲俯羲皇涼颺助矜詫縱觀  
兩郎傳明如丹青畫獨于避俗翁英姿猶可借此翁多  
新詩天成妙風雅不從人間來句法殆神化伊予綠髮  
時奮舌談王霸中歲懶問津銳意學耕稼一往二十年  
了不畏嘲罵性初嗜清醪病見杯勺怕徑作雲窻眠端  
回俗流駕緬懷吳朝歌南州滿聲價虎脊天廐姿未覆  
香羅帕顧我迺神交素書每盈把何時逐飛蓋西園樂  
清夜微吟望天末虛懷聊空寫

病中有懷

江城春事還溫風攪清晝花藥粲以繁好鳥俱應候客  
中維摩病何心折楊柳黃鸝勸窺園于我意頗厚緬懷  
趙明府傾蓋真若舊翩翩佳公子奕奕名世胄筆可扛  
龍文識足辨蘆白何當與若人長歎向宇宙

有懷張掾師言

戶牖煙霞積池塘蒲稗深幽鳥如交友招喚出疎林懷  
人隔湓浦終朝梁父吟別鵠太古澹薇絃寫瑤琴誰能

領斯妙士貴相知  
心僧彌非謝守其  
誰能賞音深衷若  
為寄長歎看遙岑

有懷鄭禹功

吏隱專一壑才名橫九州  
袖手煙雨外坐看江漢流  
斯人美無度孤標可鎮浮  
窮居白日靜蒼苔門巷周  
永懷不可見臺笠向西疇

夜坐懷師川戲效南朝沈炯體

鼠塵觸蠻兵客夢寒窓短  
牛斗挂闌干起視夜參牛  
虎

頭丹青手欲畫澁田腕兔尖渴陶泓得句亦不漫龍沙  
懷石友羽觴舊無筭蛇飛梵王壁絡繹壯神觀醉踏吳  
沙歸轉盼歲月換羊腸自詰曲馳道方晏晏旋攜古菱  
花悟罷如水泮雞園談妙口當我一笑粲狗監浪延譽  
凌雲非吾願猪蹄祝汙邪舉世良可歎

雪晚望懷子充宗弟

歸雲度山椒木末留夕照  
照翩銜尾鴉不復明楚調  
安知牛尻沒便出豐年笑  
南阮有偉人領畧造意表  
端憂

突不煙岑寂有餘妙簡遠到安豐邁往同逸少頗教弟子員  
鈇槩發清奧誰可相推轂僅自免鐫譙閱月不傳音  
柴門跡如掃藜床還睡債癭杯敦夙好為君短長吟扶  
筇送飛鳥

懷子充復次間字韻

彌年曠不接耿耿心未闌緣何稅君鞅飽看江西山追  
涼故園樹待月房心間君歸有後約悵望何時還

元亮詩次玉局翁過二李故居韻賞僕作草堂

于故園同賦一章

兄家咸陽公餘澤被巖麓怪底多珪璋藍田自生玉我  
獨出哀緒嗜酒仍愛竹晝眠殷晴雷看雲腰不束作堂  
延野色風吹草心綠情閒飛鳥親相呼瞑投宿往往遼  
東鶴來栖手栽木心期得幽子浩歌去邊幅抱甕同灌  
畦牽蘿來補屋修文不無人付渠調玉燭

董真人煉丹井

董子侯官秀養真匡山陰瓊田藝金穀絳雪飛瑤林種

杏令虎守儻稻見本心淮南雞犬仙舐鼎昇瑤岑寒泉  
冽舊井遺風猶至今我來澡鬚眉憑虛欲駸駸駕不  
忍去遂歌梁父吟



